

## 20160814 **Saksi ni Jehova**

Viktor Nonong Medrano

Dumating ngayon ang mga Saksi ni Jehova na sina Leo, Ruby, at Julie. Marami kaming pinag-usapan, ngunit ang pinakaimportante ay tungkol sa buhay sa labas ng Tiyera. Ang sabi ko sa kanila ay naniniwala ako sa buhay sa labas ng Tiyera dahil matematikong probabilidad lamang iyon. Ang mga bituwin ay parang maraming-maraming buhangin, at kung ang ating buhanging butil na Tiyera lamang ang may buhay, parang patay na ang Sansinukob. Sabi ni Ruby sa akin, "Wala namang nagsasabing patay ang Sansinukob!" Pinag-usapan namin na may Sinturon ng Puwedeng May Buhay ang mga iba-ibang bituwin, araw. Ang Tiyera natin ay nasa loob ng isa nito, at sa labas ng Sinturon ay napakainit o napakalamig. Sabi ko sa kanila ay baka may buhay na hindi basado sa tubig. Tayo ay basado sa tubig. Baka may buhay na walang katawan, man. Ipinaliwanag ko sa kanila ang *ebolusyon* na puwedeng ginamit ng Diyos para sa *kreasyon* ng buhay. Maraming dalub-agham na naniniwala na galing sa putik ang mga organikong molekulo na naging buhay bilang bakterya, bayrus, amag, halaman, hayop, o anuman. May teorya rin tungkol sa Panspermia: galing sa espasyo ang mga butil ng buhay. Sabi ko sa kanila na kita ng mga dalub-agham ang progresyon ng hayop na nagiging kabayo sa mga butong antigo. Sabi ni Ruby, 1% lamang ng utak ang ginagamit ng tao. Sa Millennium, puwedeng gamitin ang 99%. Sabi nila, walang-hanggan ang buhay ng tao kahit na labis ng mga taon ng Millennium. Gusto nilang maghintay ng mga makadiskubre sa panahon noon. Ayaw ni Ruby ngayon isipin kung may mga buhay na *humanoid* na hindi *human*. Nabangggit ko sa kanila ang proyektong SETI na naghahanap ng mga radyong signal ng mga *alien*. Wala pa silang nadetekto, ngunit hindi iyon ang katapusan. Baka may mga *alien* na hindi gumagamit ng radyo, o baka sila ay talagang masyadong-masyadong malayo.

